



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1644. usque ad annum 1651

**Fleury, Claude**

**August. Vind. [u.a.], 1779**

**VD18 90119177**

§. 54. Uladislai Poloniæ Regis consilium de habendo colloquio inter  
Catholicos & Sectarios.

---

[urn:nbn:de:hbz:466:1-67359](https://nbn-resolving.org/urn:nbn:de:hbz:466:1-67359)

fauciis centum octoginta: ceteri cum Sæc. XVII.  
 armis & farcinis tam suis quam Vene- A. C. 1645.  
 torum cymbis Sudam transferebantur,  
 quo etiam Episcopus, Moniales, &  
 vasa Sacra fuere deportata; Ecclesiis  
 etiam, Monasteriis, & utriusque ritus  
 Ecclesiasticis inviolata immunitas, nec  
 non sua Nobilibus privilegia, intacta  
 relinquebantur, civibusque vel abeundi,  
 suaque bona vendendi, vel remanendi,  
 iisque libere fruendi facultas data est.  
 Tam honestarum conditionum facilita-  
 tem promovebat præconcepta Sudam,  
 universamque Insulam sine Ottomani  
 sanguinis profusione occupandi spes,  
 ac fiducia.

§. LIV.

*Uladislai Poloniæ Regis consilium de  
habendo colloquio inter Catholi-  
cos & Sæctarios.*

Ab eo tempore, quo Lutheri ac Cal-  
 vini secta Poloniæ Regnum infece-  
 rat, doctrinæ diversitas animorum quo-  
 que concordiam sustulit, mutuamque  
 odium inde exortum innumeras pene  
 turbas, seditiones, cædes & intestina  
 bella in Regno progerminavit, lucu-  
 lento admodum testimonio, quod nova  
 ejusmodi sectariorum dogmata Christi  
 Evangelio, quod pacem, charitatem-  
 que

*Acta Publ.  
 Thorun. Coll.  
 Calov. Hist.  
 Syner. Dia-  
 lysis Hulsem.*

Sæc. XVII. que inspirat, adversentur. Hisce ca-  
A. C. 1645 lamitatibus metam positurus Uladis-  
 laus IV. Poloniæ Rex, doctrinæ unio-  
 nem, qualis ante exortas hæreses per  
 plura sæcula floruit, revocandi consi-  
 lium cepit, ac propterea inter Catho-  
 licos, Lutheranos & Calvinistas paci-  
 ficum haberi voluit colloquium, si-  
 mulque, ut disputationum æstum mo-  
 deratio temperaret, præcepit, ut de  
 quæstionibus controversis non disputa-  
 retur, sed per theses & antitheses op-  
 posita litigantium partium dogmata di-  
 scuterentur, hacque ratione, a cujus  
 parte veritas militaret, fraterno judi-  
 cio decideretur; inde hoc colloquium  
 vulgo *fraterna collatio*, vel *Colloquium  
 charitativum* appellari consueverat. Pla-  
 cuit summopere pium hoc Regis con-  
 siliium Poloniæ Episcopis, qui anno hu-  
 jus sæculi quadragesimo tertio Varso-  
 viæ Provinciam habuerunt Synodum,  
 in qua ejusmodi conventum Thorunii  
 in Prussia Polonica die decima Octobris  
 anno sequenti habendum indixere. Hanc  
 in rem Mathias Lubienskius Gnesnen-  
 sis Archiepiscopus ad omnes in rebus  
 fidei ab Ecclesia Catholica dissidentes  
 Synodalem promulgabat epistolam, in  
 qua eos ad *amicum congressum*, & *fra-  
 ternam reconciliationem* invitabat, polli-  
 citus, præstituta die ac loco Georgium  
 Tyft-

Tyſtkiewicum Samogitiæ Episcopum, Sæc. XVII.  
 Præfulem mansuetiſſimum, ac futuri A. C. 1645.  
 colloquii Præſidem, necnon alios duo-  
 decim Viros doctrina & modeſtia con-  
 ſpicuos adfuturos, qui ſingulari animi  
 mansuetudine in ſpiritu lenitatis ſine  
 clamoris altercationibus, ſecluſis etiam  
 aculeis, aut cujuſcunq; offenſione,  
 cum omnibus ab Eccleſia Catholica  
 diſſidentibus ſermones habituri, veri-  
 tatemque nonniſi ex Sacris literis, pri-  
 mitivæ Eccleſiæ, Patrumque testi-  
 moniis demonſtraturi ſint: Hanc Synodi  
 Epistolam ſequebatur Regium quoque  
 diploma ejusdem ferme tenoris. Per-  
 lectis hiſce epistolis Calvinistæ deſuper  
 deliberaturi, Orlæ conventum habue-  
 re, in quo tamen ſpectata utriusque  
 partis pertinacia, & innato ſuo Catho-  
 licæ veritati obluſtandi ſtudio de felici  
 concordiæ ſucceſſu deſperarunt, mo-  
 rem vero Regi ſuo geſturi, ne ante  
 congreſſum de cauſſæ ſuæ juſtitia diſſi-  
 dere viderentur, ad Regis, Synodique  
 literas reſponderunt, ſe ad Colloquium  
 venturos, petere tamen, ut ob nimis  
 anguſtum terminum, intra quem ſeſe  
 præparare haud poſſent, hujus collo-  
 quii initium ad aliud tñmpus differre-  
 tur. Annuit eorum votis Uladislauſ,  
 & conventum ad vigefimam octavam  
 Auguſti diem hujus anni diſtulit, in-  
 terea

Sæc. XVII. A. C. 1645. terea vero Tyskiewiczus colloquii Præses rursus diffidentes invitabat, transmissis ad eos literis, in quibus inter alia exposuit, *Protestantes utique huic colloquio adfuturos, ut docerent, & comprobatum redderent, quo animo illi animas diversarum Nationum & Regionum pretioso Christi Sanguine redemptas falsis, perversisque suis dogmatibus a vera, Sancta, & Catholico-Romana Ecclesia abducant, & ad barathrum detrudant &c.*

Præterea Lutherani, quorum numerus tum in Polonia non adeo frequens erat, habito Lesnensi conventu a Saxonie Electore in subsidium sibi submitti petebant Joannem Hülsmanum in Scholastica disputandi methodo Præconem versatissimum, qui etiam ab Electore submissus, præsidium Lutheranæ partis sibi vindicavit, titulumque *Admodum Reverendi* sibi attribui postulavit. Calvinistæ autem Georgium Calixtum secta Lutheranum Helmstadio evocarunt, non tam ut suarum esset partium, quam ut consilia suppeditaret jungendis Lutheranis & Calvinistis idonea. Obtenta Electoris venia hic idem Calixtus mox ad Joannem Bergium, qui Electori Brandenburgico a concionibus, die decima quinta Julii, literas dederat, in quibus suam operam Calvinistis promptissimo animo

offe-

offerens, petiit, ut *dissidia inter ipsos* Sæc. XVII.  
*Protestantes prius componerentur, quam hi* A. C. 1645.  
*cum Catholicis congregiantur, cum Wor-*  
*matiense Colloquium anno superioris sæculi*  
*quingagesimo septimo habitum ideo fuerit*  
*dissolutum, quia Protestantes, quibuscum*  
*agendum erat, inter se non convenissent:*  
*cum autem ad hoc colloquium Lutherani*  
*& Calvinistæ **JUNCTIM** sint vocati,*  
*secundus sperari poterit successus, præ-*  
*sertim si consensus sit in iis, de quibus cum*  
*Pontificiis controversiæ intercedunt, si au-*  
*tem, pergebat Calixtus, conjunctio Pro-*  
*testantium citra communem consensum præ-*  
*cipiatur, motus est novi schismatis, &*  
*periculum quoddam certum. Qui enim a*  
*conjunctioe sunt alieniores, reliquos, qui*  
*eam probarent, & inirent, palam procul-*  
*dubio condemnaturi, & a suo consortio*  
*remoturi essent: postea Calixtus inter*  
*ipso Præcones Lutheranos dissidia fer-*  
*vere indicabat, hæc subjungens: **A***  
*qualibet condemnatione vix tuti sumus, qui*  
*in hac Academia moderationem sectamur,*  
*& amplectimur; propter hanc ipsam Theo-*  
*logis alterius vicinæ Academicæ invisi, in*  
*omnes occasiones carpendi & obtrectandi*  
*intentis. Præter hanc epistolam idem*  
*Calixtus die decima sexta Septembris*  
*ad Georgium Osselinskium Legatum*  
*Regium, necnon ad Tiestkewitzum,*  
*ceterosque Præsides Catholicos literas*  
*Hist. Eccles. Tom. LXI. L de-*

Sæc. XVII. dedit, in quibus exposuit, quod „qui-  
A. C. 1645. „dem ob Lutheranae sectae societatem  
 „sefe Dantiscanis Theologis jungere  
 „debuisset, ideo vero sese Calvinistis  
 „adjunxerit, quia ab Electore Brande-  
 „burgico utriusque partis Patrono huic  
 „colloquio assistere, & ab Thoruniensi-  
 „bus, & Elbinganis Proconsulibus, ipso-  
 „rum Theologis & Ecclesiarum Ministris  
 „accedere rogatus esset: dum vero  
 „Thorunienses & Elbingani Præcones  
 „cum Dantiscanis in unum Collegium  
 „coalescere vellent, illum Dantiscani  
 „suo consortio indignum reputarint,  
 „quia doctrinam ubiquitaris non pro-  
 „baret, & de dissentientibus mitius ju-  
 „dicaret, nec opinantes rejiceret, nec  
 „Gehennæ manciparet, nec eorum fa-  
 „miliaritate uti, aut cibum cum eis  
 „sumere reformidaret. „ Quod vero  
 hic Præco ad Calvinistarum preces sese  
 Reformatis contra Catholicos junxerit,  
 a Friderico Guilielmo Electore Brant-  
 deburgico die decima tertia Octobris  
 gratulatorias recepit literas. Percepto  
 Calixti consilio Lipsienses, Wirtenber-  
 genses & Jenenses Præcones velut ra-  
 bidi canes in eundem tanquam fidei  
 desertorem, & Syncretismi cum Cal-  
 vinistis, cultus Orthodoxi manifestis hostibus  
 stabiliendi fabricatorem impotentibus  
 furiis desævire cæperant, atque inter  
 eos

eos Hulsemannus ex Sacris literis, jure Sæc. XVII.  
 Romanorum, Conciliis & S. Patribus, A. C. 1645.  
 ne orthodoxi Ecclesias hæreticorum  
 adeant, semper prohibitum fuisse, de-  
 monstrabat, simulque Luneburgicum  
 Principem his verbis alloquebatur: *Uti-*  
*nam in Thoruniensi Palatio præsens fuisses,*  
*proculdubio, indignitate pessimi exempli &*  
*commercii motus, Calixtum manu prehen-*  
*sum de folio deturbasses, correptumque ob-*  
*urgasses his verbis: non decet te, ministrum*  
*nostrum, cum malorum conventiculo ali-*  
*quid habere commercii.*

Ita modeste, quotiescunque col-  
 loquia pro ineunda concordia habuere,  
 Lutherani & Calvinistæ invicem dicte-  
 riis jugularunt, & malo malum repen-  
 dentes luto lutum lavarunt, ac pro-  
 pterea nunquam inter se sinceram ani-  
 morum, minus vero doctrinæ concor-  
 diam stabilierunt, quia, ut fatetur  
 Jurieus, *nunquam pars una se in trium-*  
*phum duci patietur, nunquam pars altera*  
*renuntiabit suo dogmati; hoc enim esset*  
*idem, acsi quis pro remedio concordie inter*  
*Gallos, & Hispanos poneret, ut hi omnes*  
*Urbes & Provincias in Gallorum manus*  
*traderent: . . . . .* *ast interim, ut idem*  
*Jurieus alio in loco prorsus egregie as-*  
*ferit, ejusmodi concordie labor illud*  
*commodi habebit, ut sædus bonum iniri*  
*possit, & PAPISTIS TERROR IN-*



Sæc. XVII. *CUTIATUR.* Ita nempe tota eorum  
 A. C. 1645. concordia unice ad Catholicos junctis  
 viribus opprimendos collimat: ex ea-  
 dem quoque causa Jægerus pro Lu-  
 therana sua pietate Calixti commer-  
 cium cum Calvinistis excusans, *potest,*  
 inquit, *optimum habere scopum, qui Re-*  
*formatis amice se sociat ad oppugnandum*  
*Papismum.*

*Hist. Eccl.*  
*Jægeri l. 5.*  
*c. 2. p. 703.*

## §. LV.

*Prima hujus colloquii auspicia.*

*Hildebrand.*  
*Hist. Conc.*  
*pag. 344.*  
*Hieron. a*  
*S. Hyac.*  
*idea colloq.*  
*Thourn.*

**D**ie præstituta in Thoruniensi Palatio  
 ingens erat Doctorum concursus,  
 ac præcipue aderant nominati a Rege  
 trium partium litigantium Præsides;  
 scilicet Catholicorum nomine Georgius  
 Tyszkiewiczus, pro Calvinistis Zbi-  
 gneus de Goray, & pro Lutheranis Si-  
 gismundus Gyldenstern: Rex vero  
 Uladislaus suo nomine deputabat Geor-  
 gium de Tenczin Offelinii Ducem ac  
 Cancellarium, necnon Joannem Co-  
 mitem Lesznensem, aliosque Proceres.  
 Ex Theologis Catholicis designati er-  
 rant Stephanus Damalewitz, Sapel-  
 lius, Vitellius, Petrykowskius, &  
 Usliensis, Canonici, ac Sacrae Theolo-  
 giæ Doctores, necnon Bartholomæus  
 Nigrinus Regius Secretarius, qui a Cal-  
 vini secta ad Catholicos transiit, & Regi  
 hujus